

րոսի մաւր Վարդիսաթունին վկայութենովն .
 Չնքուշի Մարտիրոս վարդապետին վկայու-
 թենովն . Կուրցի Կիրակոս վարդապետին , Կա-
 րապետ եպիսկոպոսի վկայութեամբն . Գող-
 թան զաւառէն եւ Աւետիս արհիեպիսկոպոսի
 եւ Ղուկաս եպիսկոպոսին վկայութեամբն .
 Յովհաննէս եպիսկոպոսին , Ղուկաս եպիսկո-
 պոսին , Կիրակոս երիցին , Նրուսաղէմայ եղ-
 բայր Դաւթի եպիսկոպոսի վկայութեամբն .
 Մովսէս վարդապետին Տաթեւացւոյն եւ այլ
 ամենայն ուխտականաց , եկաց եւ բնակաց
 հինգհարիւր ժողովելոց :

Սոցին ամենեցուն ընտրութեամբ եւ
 վկայութեամբ ի յամսեանն Ապրիլի հինգն ,
 առուր երկուշաբթի աւագ Զատիկի , շնորհեցի
 կրկին եւ վերստին զիւր սեփական աթոռն
 եւ վիճակ եւ բաժին ի ձեռս դորայ . եւ զվե-
 րակացութիւնս տնօրինականացս Քրիստոսի
 յԱստուծոյ մերոյ՝ զսուրբ Ծնունդն , զսուրբ
 Յարութիւնն եւ այլն , եւ զայլ ամենայն սուրբ
 Տնօրինականաց եւ Նկեղեցեաց իշխանութիւն
 ի ձեռն սորին լիցի : Եղաք հաստատութեամբ
 զմեր հոգեւոր որդիս զտէր Գրիգոր արքեպիս-
 կոպոսն ի սուրբ յԱթոռս գրաւորական նամա-
 կաւ եւ բարձրագոյն իշխանութեամբս մեր , լի-
 նել ձեզ այցելու եւ հոգեւոր առաջնորդ՝ խրա-
 տել եւ ուսուցանել զձեզ ի տուէ եւ ի գի-
 շերի զնալ յաւրէն եւ ի պատուիրանս Տեառն
 անարատութեամբ , տալով զանձն իւր աւրի-
 նակ բարեաց ձեզ ամենեցուն . ինքն արասցէ եւ
 զձեզ ուսուցէ սրբութեամբ եւ արդարու-